

اداره مطبعه سی : دارالقنون
قارشیسندده کاشن حسن پاشا
مدرسہ سی داخلہ در

مرکز توزیعی :
باب عالی جاده سنده (اتحاد
تجارت) کتبخانه سی

آبونه بدلی :
سنة لکی ۱۰۰ غروش
آلتی آلتی ۵۰

آبونه قیدی معامله سی هر سینه تک پونجی
وایکسچی آلتی آلتی اعتباراً اجرا اولونور

دینی، علمی، ادبی، اجتماعی

محفصل

۱۳۳۸

مجموعه اسراریه سی

صاحبی، مدیری، محرری :

اسلامك نفعنه خادم مقالات
مع اليشكر قبول ونشر اولونور

بازانك شخصیتی دكل، یازیشك، همیتی
نظر دقت، آلتییر .

کلن یازیلردن شایان قبول کوردولنلر
تامیخ سیراسیله درج ایدیلیر .

کرنده ریله چك آثر، اوقوناقلی
و مختصر جه یازیلش اولمالیدر .

فی : غروش

۱۰

صفر

۱۳۴۳



جلد

۴

عدد

۴۰

محل تاریخی

جعفر بن ابی طالب

۳۸ نجی نسخه دن مابعد :

— اوت ، جناب مسیح ، بویله بر پیغمبر
کله جگنی خبر ویرمش و اوکا ایمان ایدن بکا ایمان
ایتمش ، اونی انکار ایله یین بنی ده انکار ایله مش
ارلور بویورمشدر . معلوماتی ویردیلر ، بونک
اوزه رینه نجاشی :

— انجیلده حضرت عیسانک تبشیر ایله دیکی
پیغمبرک بو ذات عالیشان اولدیغنه بن شهادت ایدرم .
اگر باشمده حکومت غاظه سی اولماسهیدی خدمته
کیدره ، بابو جارینی طاشیمق و آلرینه صودو کمک
صورتیله خدمتمده بولونوردم دیدی .

شو مکالمه دن صوکر جعفر :

— ایها الملك ! بو آداملره صورکه بزحیمی یز ،
یوقسه کوله می یز ؟ اکر اقدیسندن قاجش کوله
ایسه ک نری سیدلری مزه کونده ر . سؤال ایت که
ایچلرندن برینی می اولدوردک ؟ او یله ایسه حقمزده
قصاص اجرا ایدیلین . استیضاح ایله که بورجیز
وارده اوندن می صاووشدق ؟ برینه مدیون ایسه ک
تأدیه سنه چالیشالم . تکلیفده بولوندی .

شو اوج سؤاله مرخصلرک خایر جوابی
ویرمه لری اوزه رینه نجاشی :

— ای معشر مسلمین ! امینسکز . مملکتتمده
دیه دیکنکز برده اوطور بکنز . دیمکله برابر مرخصلرک
هدیه لرینی رد ایتدی . اولرده حضور حکمداریدن
چیقمایه مجبور اولدیلر .

هیئت مرخصه دن یالکنز عمرو بن العاص ،
مککیه دونه یلمش ، عماره ایسه حبشه چیلدیروب
طاغله دوشمش ، مؤخرأ عمجه زاده سی (عبدالله

بن ربیعہ) حبشستانه کیمش ، عماره نی آریوب
بولمش ، فقط صوکه نفسنه یه تیشهرک دفنی خدمتمده
بولونمشدی .

عمارہ ، او ده لیقانیل ایدی که ولید بن المغیره نک
آوغلی اولوب قریشلر ، کندیسنی ابوطالبه کتیرمشلر
و « اولدورمک ایچین محمدی بزه ویرده بونی یاننه
آل و اولاد کبی یه تیشدر ! » دیمشلردی . او ده
« نه ایی بر تکلیفده بولونویورسکز ! بنم اولادیمی
آلوب اولدورمک » کندی اولادیکزی ووروب
بسله تمک ایستورسکز » جوابی ویرمشدی .

عمارہ نک تجنی ، عادتابر رومان زمینی اوله بیله جک
قدر غریبدر . طبرانی ، ابو موسی الاشعری دن بوکا
دائر شویله بر نقلده بولونویور :

عمرو بن العاص ، مرخصلقه حبشه کیدرکن
قاریسنی ده یاننه آلمش ، فقط قوجه سنک کچکین
و چیرکین اولماسنه رغماً عماره نک یاقیشیقلی بر
ده لیقانیل بولونماسی ، قادیسک ذهنی بولاندیرمش
وقایقه دیکن عماره یله آرا لرنده بعضی مناسبتسزک
وقوعه کلشدی .

عمرو « اوتامیور میسک ؟ » دییه عماره یه
چیقیمق ایسته دی . او ده عمرو ی یاقالادیکی
دکیزه آندی . قایقه جیلرک معاوتیله عمر و بوغولمقدن
قورتولدی ، فقط انتقام آلمانی ذهته قویدی .
نجاشی نک هدیه لری رد ایتمه سی اوزه رینه عماره نی
قرالیه نک یاننه کیدوب اوندن یاردیم طلبنه
تشویق ایله دی و :

— سن کوزهل بر کنجسک . قادیسک سنک
کیلرینه دایاناهازلر . بناء علیه ملکده رجا کی رد
ایده مز . دیدی .


عمارہ ، بر قاج دفعه قرالیه نک حضورینه
چیقدی . عمرو ایسه بونی فرصت اتخا ایله یه وک
نجاشی نک یاننه کیتدی .

— بزم آرقه داش ، ملکه نك دائره سنه دوام
ایدیور ، حتی شیمدی ینه اوراده . کندینی
کوزهل بر کنجدر . بر قاتل و قوعنه میدان
ویر یله سه ... اخبارنده بولوندی .

نجاشی تحقیق ایتدیردی . عماره نك قرالیچه
دائره سنده اولدینی آکلا شیلنجه اونی کتیرتدی .
مرخص اولدینی ایچین اولدورتمه دی . لکن بر
سحر باز چاغیرتوب اوکا تسلیم ایله دی .

حریف ، عماره بی صویدوروب احلیلنه اوفله نیجه
عماره بایلدی ، آیلدینی وقتده ادوا کنی غائب
ایتمشدی . نهایت طاغله دوشوب وحشیانه بر
حیات کچیرمه یه باشلادی . العهده علی الراوی
مابعدی وار

ظاهر المولوی



لسان العرب مجموعة موقوتة سندن
تلخیصاً ترجمه ایدیلشدیر .

امیر عبدالرحمن الغافقی

تاریخک وجودیله افتخار ایتدیکی دهاتندیر .
(غافقی) نسبک ، کندینک یم قبا ئلندن (غی غافقی) ه
منسوب اولدینی کوستیریر . دور اصحابه یه یتشدیکی
جهتله تابعیندیر .

مجاهدینک اشجعی ، امرانک اعدلی ، مدیر ،
مدیر ، حکیم ، سیاسی ، وعالم بر ذات ایدی .

امیر موسی بن نصیر ایله ، اوغلی امیر عبدالعزیز
دورلرنده اندلس مأمورلرندن بولونویوردی . یوز
تاریخنده خایفه عمر بن عبدالعزیز طرفندن والی
اولارق اندلسه کن (سمح بن مالک الجولانی)
۱۰۴ تاریخنده شهیداً ارتحال ایدینجه خلفک ورودینه
قدرا میر عبدالرحمن ، اهالی طرفندن والی وقوماندان
وکیلی تعیین اولونمشدی .

صوکر افریقیه والیسی (ابن ابی مسلم) طرفندن
نائب اولق اوزره (غنسه بن سحیم الکلبی) ندلسه
کلدی و امر اداره اوکا تودیع اولوندی .

هشام بن عبدالملک ، مقام خلافت کنججه افریقیه
واندلس والیکنه . حجاب لقبیله معروف - (امیر
عبیده بن عبدالرحمن السلمی) بی تعیین ایتدی .
اوده اندلس والی فائیکنی ۱۱۲ ذی الحجه سنده
امیر عبدالرحمن غافقی یه ویردی .

امیر غافقی ، اداره ایشلرینی یولته قویق ،
مظلومک حقنی ظالمن آلمق کی حکومتورولکیله
ضرب مثل اولق درجه سنه کلک ، اقوام غیر مسلمه
نک دینته وعادتنه دوقونما مقده امیر موسی و امیر
عبدالعزیزک اثرینه اتباع ایتدیکه برابر غالیه قطعه سنی
و دها اوتله رینی فتح ایله مسلمانلغی تعمیم ایله مک
ایچین استحضاراته باشلادی . تشویقاتی نتیجه سنده
شامدن ، یمندن ، حجازدن ، مصردن ، بربرستاندن
بر چوق خلق کلوب طویلانندی .

بونلرک بر قسمی حسیه لله جهاد ایچین ، قسم
کلیسی ده غنیمت آلمق وزنکیکن اولق ایچین قوشوب
کلمشدی که بر بریلرک چوغی ، بو ایکنجی قسمدن
ایدی .

امیر غافقی ، بر بریلرک حالنی ورؤسانسک
عربله قارشى اولان حسد و خصومتی بیلیدیکی
حاله یالکیز عرب مجاهدین قلیله سیله حربه کیده .
مه مش ، اکثریتی تشکیل ایله ین بر بریلری ده معیتنه
آلمایه مجبور اولمشدی .

او صیراده بربری رؤسانسندن (منذر) ، اکتانیا
حاکمی (دوق اود) ایله بر معاهده یامش و دوقک
قیزی (لباجه) بی آلمش ، حتی غافقی یه قارشى عصیان
ایتمشدی .

غافقی . منذری قتل و زوجه سنی شامه سوق
ایتدکدن صوکر اودق اودک اوستنه یورویوب